

حیات

هیاهو و تماشا... دیار دهاجر و حیات قاتلم...
- نیجه -

اداره مرکزی :

آنقره ده ، استانبول جاده سنده آنقره
معارف امینکی پاشه کی داتره

استانبول بورسی :

استانبولده ، باب عالی جاده سنده ۸۷ نومروده
دائرة مخصوصه

نسخه سی هربرده ۱۰ غرورده
سته کی پسته ایله ه لیرا
(اجنئی مملکتلر ایچین ه دولار)

ایونه واعلان ایشلری ایچین استانبول بورسه
مراجعت ایدیلیر
یازی ایشلرینک مرجعی آنقره مرئزیدر

صافی : ۳۵

آنقره ، ۲۸ تموز ، ۱۹۲۷

۲ نجی جلد




لوزان معاهده سی

تورک استقلال حری ، ۲۴ تموز ۱۹۲۳ ده
لوزان معاهده سنک امضالانماسیله قطعی و حقوقی
افاده سنی استحصال ایتشدیر . لوزان معاهده سنی
موضوع بحث ایدرکن ، اونک ماهیت و معناسنی
ایجه آ کلامق ایچون ، اولو اولارق دوغان سهور
معاهده سنی ده دائمی کوزاوکنده طوتمق ایجاب ایدر .
یالکز عثمانلی ایمپراطور لفتک ده کیل ، تورک ملتک ده
جحت اعدامنی تشکیل ایدن سهور معاهده سی
۱۰ اغستوس ۱۹۲۰ ده امضالانمشدی او تاریخدن
۱۹۲۳ تموزینه قادار تورک ملتک عسکری
و سیاسی جهه ده کوسترمش اولدینی فداکارلق
و موفقیت ، آنجق تورک وصفیله و غارینک دهاسیله
ایضاح ایدیله بیله جک درجه ده علوی و پارلاقدر .
حرب ساحه لرنده تورک لری ذلت و اسارته
اجبار ایدمه مین دوشمان دولتلر ، استانبولک
اشغالندن صوکر ا حیل و فساد ایله ، سرایی
و باب عالی بی کندی حسابلرینه چالیشدیرمق
صورتیله مقصدلرینه نائل اولمای قوردیلر و تورک
چووقلرینی بری برلرینه قیردیرارق هدفه
وصولی دها قولای بولدیلر . او آجی کونلری
دوشوندکجه بوپلانده کی شیطنتی و تطبیقی خصو
صنده کی موفقیتی دهشتله تخطر ایتمک قابل ده کیلدر .
بویوک غارینک و عصمت پاشانک تورک ملتیه
هدیه ایتدکلری لوزان معاهده سنک قیمت و اهمیتنی
ادراک ایچون سهور معاهده سیله بزه احضار ایدیلک
ایسته نیلن عاقبتی و اوندن صوکر لوزان معاهده سنک

توثیق ایتدیکی وضعینی خلاصه مقایسه ایتک لازمدیر .
سهور معاهده سی هیئت عمومی سنک افاده ایتدیکی
معنا ، عصری بردولت مفهومنی اساسندن یقیور ،
هر طرفدن پارچالادینی تورک وطننده بیله تورکی
أسیر و ذلیل بر موقعه دوشور و یوردی . بویوک
غازینک ، تعبیری وجهله « تورک وطنک کوز
بیکی اولان استانبول » سهور معاهده سی موجبنه
کویا تورکلره بر اقلیوردی . فقط بونک ایچون
احتوا ایتدیکی شرط حیثیت و شرفنی ییلن بر
ملت ایچون قابل قبول اولمایا جق درجه ده آغیردی ،
فی الحقیقه معهود معاهده نک ۳۶ نجی ماده سنک
۲ نجی فقره سی شویله ایدی : « ... مع مافیه حکومت
عثمانیه بو معاهده ایله معاهدات و مقاولات متممه
احکامنه - بالخاصه عرقی ، دینی و لسانی اقلیتلرک
حقوقه - صادقانه بر صورتده رعایت ایتمکده
تجویر قصور ایتدیکی تقدیرده ، دول متفق
آنفالذکر تعهدی تعدیل ایتک حقنی صراحة
محافظه ایدرلر و حکومت عثمانیه ده بوبابده اتحاد
ایدیله جک اولان کافه مقرر اته شیمیدین مماشات
ایتمکی تعهد ایلر . » دیمک ، هر هانکی بر روم ، یارمنی ،
خفیف بریایفار ا قوبارنجیه و یا خود تورکیه نک قانی
امن لوانتین اجنیلردن بری یوزده ایکوز فائض
آلامایجه استانبولک مقدارتی موضوع بحث
اولاجق و دولت ده وریله جک قرارلر هر حالده
اطاعت ایدم جکدی ! . بوکون بلکه ده تبسم
واستهزا ایله تلقی ایتدیکمز بوماده ، بوندن یدی
سنه اول آجی کوز یا شلریله او قودیمز بر حقیقتدی ،
اوزماندن بری روح و شرف اوقادار بوکسه لمش
ایسه ، اونی بویوک غازی یه و قدرتی باش و کیلنه مدیوتز .
تورک وطنک حیات و قدرت منبعلرینی
کیره ن اجنئی امتیازلری ، سهور معاهده سی
موجبنه یالکز اعاده تأسیس ایدیلر یور ، حدود
و شمولی ده توسیع اولنویوردی . .

۲۶۱ نجی ماده بو امتیازلرک ۱۸ اغستوس ۱۹۱۴
تاریخنده بونلردن استفاده ایتمه یین دول متفقیه ده
تشمیل اولنا جقنی تصریح ایدیوردی . دیمک
ارمنستان تبعه سندن برارمنی ، یونانی بر روم ، حجازلی
بر عرب .. ده « أسیر تورکلر » آراسنده « افندی ،
صفیله دولاشا جقدی . فقط بونا قابل تحیل اضطرابلر ،
ذتلر ، قورقور .. برقارا بولوط کی یرتیلوب ،
آ تشنی یاغ دیرمادن تورک وطنندن اوزا قلاشدی .
آنا طولیده دوغان تورک کونشی ، بویوک غازی ،
اونی تورک افکلردن قوغدی و لوزان معاهده سیله
بزه مستقل و سربست بر یورد بخش ایتدی .
بو یورد ، بین الملل حیات ساحه سنده هر هانکی
بر اوروپالینک وطنی قادار حائز شرف و حقوقدر .
لوزان معاهده سنه کلنجیه قادار تورکیه ،
قوتلی زمانلرنده بیله ، نیم مدنی دولتلردن
عد ایدیلیر ، و مساوی معامله کورمزدی . .
بو تقریبی ، دین ، ذهنیت و مدنیت فرقلری ایله
ایضاحه چالیشان حقوق و سیاست عالملری واردی .
تورکیه عصر لرجه ، آوروپا حقوق دولندن
استفاده ایچون چیر پنمشدی . . نهایت قریم
محاربه سنک ختامنی متعاقب انعقاد ایدن ۱۸۵۶
پارس قونفرم سنده تورکیه نک ، متفقلری اولان
انکلتزم و فرانسه نک مظاهرتی ایله ، آوروپا
حقوق عمومی سندن استفاده سی اساسی قبول ایدلمش
ایسه ده بویالکز کاغد اوزرنده فالمش و فعلیات
ساحه سنده تحقق ایتمه مشدی . . تورکیه آنجق
عزم و قدرتنک بین الملل بروشقیه سی اولان لوزان
معاهده سی ایله مدنی دولت مفهومنک کندیسی
ایچون ده تطبیقی ضروری اولدینی قبول ایتدیردی . .
ایشته لوزان معاهده سنک دیباچه سنده بوکا طائد
حکم : « .. و بومناسباتک دولتلرک استقلال و حاکمیت
حرمت اساسنه مستند اولسی و جوبنی ملاحظه ایدرک



«قرب» ه کوره تربیه علمی

— ۲ —

تربیه ده برلك

دره سدن : ۹ تموز ۲۹۲۷

معاشرت حیانتك حلول و مداخله سیله « اجتماعی تیپ » ك ناصل تشكیل ابتدیكنی ایضاح ایتدك . قریك ده بو « حلول و مداخله » بی تربیه مفهومه ادخال ابتدیكنی بیلورز . فاقاط بوتی تشكیل ایتدیره ، فرده كندیسه كوره معنوی محتوال ویره معاشرت حیاتی ، باشند باشه بر « برلك » میدر ؟ بز ، ایستهرسه جوق ابتدائی بر صفحه ده بولوسون ، بر جمعیه ، بر معاشرت زمره سنه كوز كوز دیردیکمز وقت كوزمه هرشیدن اول حیات تشکیلاتی چاربار . بو ، بزده بر برلك تأثیری براقیر . معین تلفیلر ، قیمتلر اطرافنده طولانمش ، وظیفه و صلاحیتلری قدرت مقیاسلری ایله تثبیت اولونمش فردلر كورورز . بو حیات صفحه سنی داها ده دریله شدیردیکمز وقت منظره اساسی صورتده ده کیشیر . برلك ؛ کنش بر انحلال شکنده تجلی ایدر . هله بو **اقتصاد** ؛ بو كسك بر صنایع حیاتی یاشایان جمعیتلر ده صوك افاده سنی آلمشدر . جوق ضد منفعتلرله بری برینك قارشیدنده دوران تشکیلات ؛ برر جدال جبهه سی ماهیتنده در . هر تشکیلاتك كندیسه كوره بر حیات تاقیسی ، حقیقت اولاسنه چالیشدنی هدفلری واردر . بو کنش انحلال اورتاسنده تیپ تشکله ، تربیه برلکنه امکان وارمیدر ؟

معین برغایه نك حقیقت اولاسنه چالیشان تربیه ؛ هیچ شبهه سز ماهیت اعتباریله پلان داخلنده بر تربیه در . روصویه كوره تربیه نك معین برغایه سی واردر : برلك ؛ په داغوزی ده بویه بر « برلك فکری » نه استناد ایدییور . فرد ؛ معنوی تضادلر ده برن اضطرانی دویویور ، وارلنی عادتاً مختلف ضد قیمتلردن اكله نمش

مندمجدر . هیچ شبهه سز آوستریانك آلمانیا ایله برلشمی و بوسورتله اوروپانك وسطنده یمش ملیونلق چالیشان و متفنن ، یكوجود برملتك تشكلی بوكونکی اوروپا سیاسی نظامنی آلت اوست ایده جك بر حادثه عظیمه تشكیل ایدر . الیوم دنیا نك بوكونکی سیاسی نظامندن ممنون و یا غیر ممنون اولان بر جوق ملترك موجودیتنه باقیلیر ایسه التحاق مسئله نك نایچی پك مهم اوله جق یکی بر طاقم سیاسی قومینه زونلره یول آجه جنی طبیعی كورولور .

زکی مسعود

بر شیر . فرد ؛ کندیسی تأسیس ایدن محتوال آراسته کی بوشقلری کورویور . حالوکه : بوتضادلری قالدیرارق معنوی بر « برلك » حصوله کثیرمك ، انسانه تضادسز بر آهنگ شکی و برمك ؛ اونو اكله اساسی معنوی بحراندن قورتارمق دیمکدر . په داغوزی ؛ بویه بر برلك ایستور . فاقاط بو ادعا ؛ شائیلکله آراسته کی کنش تخالفلر قارشیدنده قدرتی قایب ایتك مجبوریتنده در . چونکه : شائیلکلردن اوزاق ایده آلر ؛ حیات قدرتی آرینه ، محو ایدنه رژیالردر . تربیه ؛ جمعیت حیانتك ضروری بر فعالیتی اولق اعتباریله یالکز شائیلکله استناد ایدیه بیلیر . معاشرت ؛ حقیقه ؛ بوتون فردی حیاتی قوجانلایان بر برلك دن باشقا برشی دکیسه ، اوندن دوغان تربیه نك ده برلك شکنده تجلی ایتیه سی ایجاب ایدر . حالوکه : بز ، معاشرت حیانتك جوق بو بوك تخالفلر کوسته ردیکنی بیلورز . بو وضعیت قارشیدنده تربیه مفهومك تحلیلی ده اهمیتلی صورتده کوجله شیر .

جمعیتك بنیه سی ؛ مختلف اجتماعی تعضولردن ، مختلف طبقه لردن عبارتدر . تعضولر ؛ آرا لرنده کی محدود ارتباطلر مستثنا اولق شرطیله بر برینه قارشی **متضاد** بر وضعیتده در . بوکون ایسپارطا دولتی کی یکیاره بر اجتماعی منظره کوسته رهن بر دولت یوقدر . فاقاط بوکارغما ایسپارطانك ده اجتماعی برلکی « خارجی » ایدی . حر ایسپارطایلر قارشیدنده مه نکلر ، هه لوتلر واردی . ایسپارطا ؛ کولتور و دین معاشرتی اعتباریله حدودلری خارجنده بولونان بر معاشرته ، اُسکی یونان معاشرته منسوبدی . قریق ؛ معاصر آلمانیا یی بویه **مضاعف** بر معاشرت **هیانه** مثال اولق اوزره کوسته ریورز : بوتون آلمانلق ؛ بر خلق معاشرندن باشقا برشی دکیلدر . فاقاط آلمانلغك مختلف معاشرت تشکلی واردر . قانولیک آلمانلر ؛ آلمانیا حدودی خارجنده بولونان بر دین معاشرته منسوبدر .

بوده کوسته ریورکه : هر فرد ؛ عینی زمانده مختلف اجتماعی تشکله منسوب اولایبیلیر . عصری بر فردی تدقیق ایدلم : « او ؛ عائله عضوی ، شهر ساکنی ، وطنداشی ، بر معبد منسوبی ، اقتصادی برزمره نك ، بر فرقه نك ، بر جمعیتك عضویدر . » بو فرد ؛ حیاتی مختلف هدفله ، مختلف غایه لره **یارمالیور** . فردك منسوب اولدینی زمره لر ؛ اجتماعی حیانتك جزؤلریدر . دیمك اولیورکه : فردی حیات ؛

برنوع هیانیر . اساساً بوتنوع ؛ معاشرت حیانتده موجوددر . عائله ؛ تربیه نك باشلادینی بردر ، جوجوق بر مکتبه کیره کیرمه ز عمومی تربیه باشلار . مکتب ؛ بوکونکی معناسیله دولت مؤسسه سیدر . مکتبك خصوصی اولاسی ؛ بوماهیتی دکیشدیرمه ز . تدریسات بنه دولتق قونترول آلتنده در ، یعنی مکتب ؛ دولت و جمعیت غایه لردن آبریلماق مجبوریتنده در . نام معناسیله دینی مکتبلریله بوقونترولك خارجنده قالاماز . دولت ؛ دینی تدریساتك کندی غایه لریله تضاد حالنده بولوناماسنه بو بوك بر اهمیت ویربر .

علمك استقلالنی ، مناقشه و فکر حریتی ، وجدان سربستیسنی قبول ایدنه موده رن دولت ؛ تربیه مؤسسه لرینی نه دن کندی باشنه براقیور ؟ چونکه : کندیسه كوره وطنداش یتیشدیره مه یین معین بر وطنداش یتینه استناد ایتیه ن دولت ؛ جمعیتله بوتون ارتباطلرینی قایب ایتش صایلابیلیر ، بویه بر دولتك ده طاللی معیندر : یقیللق .

فردك معاشرت حیانتله اولان متنوع ارتباطلرینی مشاهده ایتدکدن صوکرآ تعقیب ایدیه جك تربیه یولنی تثبیت ایتك امکانی واردر . هر معاشرت حیاتی ، بنیه سنه كوره ، فردی بوتنوع ارتباطلر چرچویه سی داخلنده متأثر ایدر . فرده بوتنوع ارتباطلره عائده مقیاسلرله « حلول و مداخله » ایدر . بز بوکایوقاریده **معاشرت هیانك طبیعی تربیه سی** آدینی ویرمشدك .

بیلورزکه بو تربیه نك باشلادینی بر ؛ عائله در . فاقاط عائله مستقل بر تشکلی میدر ؟ مختلف جمعیتلر ده عائله نك تاریخی انکشافنی تدقیق ایتدیکمز وقت معین بر جمعیتده بیله عائله نك نه قادر بو بوك انقلابلر کچیردیکنه شاهد اولورز . حتی عینی زمانده بر جمعیت ایچنده بیله مختلف عائله تیپلری واردر . عائله نك اوزون اوزادی به برتحلیلی ، موضوعی علاقه دار ایتدیکمی ایچین بوراده یالکز برقایه مثاله اکتفا ایدیه جکدر . اُسکی یونان جاهلیه نك عائله سیله خرستیان یونانلغك عائله سی بری برندن نه قادر فرقلیدر . جوجوق و معاشرت تربیه سی بوتنوع حیات تشکلیله كوره نه قادر ده کیشمشد . اُسکی جهرمه ن کویلو سیله بوکون فابریقاده چالیشان آلمان ایشچیسك عائله حیاتی بر برینه بکزه رمی ؛ عائله یی دکیشدیره ن ، اوکا شکل ویره ن ، دوغروندن دوغرویه معاشرت حیانتدر . کورویورکه : عائله تربیه سی ده اساس اعتباریله معاشرت تربیه سی ده مکدر . معاشرت حیانتك ده کیشمه سی یالکز عائله حیانتك ده کیشمه سی ده کیل عینی زمانده تربیه نك ده دکیشمه سی دیمکدر . معنوی انکشافنه باشلایان جوجوق ایچین عائله ؛ « کوچوك بردونیا » در . حیات و جمعیت تلفیقنك ایلک اساسنی اوراده بولور . ایلک شعوری اوراده تشکلی ایدر . ده برین برشفقت و محبت ایچنده کچن بوکشف حس حیاتی ؛ عینی زمانده بر عرفان حیانتدر . بوراده آنا دینی ، بو ديلك احتوا ایتدیکمی قیمتلری ، دوشونوش طرز لرینی ، سزکی استقامت لرینی اوکره نیر . عائله نك مختلف اجتماعی تشکله (دولت ، معبد ، صنف ، مسلک برلکلی الخ ..) له ده برین ارتباطلری اولدوغی ایچین جوجوق تربیه سی ده متنوع بر شکلده جریان ایدر . عائله نك معنوی ملکیتلری (اجتماعی و دینی قیمتلر ، خلق تورکولری ، عادتله الخ ..) ، جوجو غك ده معنوی ملکیتلری صیراسنه کیره ر . دولت ؛ عائله شکلی ، عائله مناسبتلرینی قانونلری ایله تعیین و تثبیت ایتدیکمی ایچین جوجوق ده ایلک « حق شعوری » بوسورتله انکشافه باشلامش اولور . جوجوق ؛ بر جوق عائله لری ایچنه آلان معاشرت حیاته کیرجه یکی بر تربیه حیانتله قارشیشمش اولور . اوراده عینی دلی ایشیدیر ، عینی قیمتلرک حاکم

اولدوغنى كورور. عائله حياتنده باشلايان تربيه شيمدى يكي بر صفحه كيرمش اولور.

دولت، خلق اراده سنك سياسي و حقوقى تشكيلونير. بونك وجوده كيرديكي هر حيات نظامي، حق و قانون شكلنده تجلى ايدن مجبوري مقياسلردور. دولت تلقين سنك دولت خلقنده كوك سالماسته، يرله شمه سنه چاليشق بومقياسلر قيمتلر داخلنده دوشونن بر دولت وطنداشلى وجوده كيرمك، دولت مؤسسه سنك اك اهميتلى وظيفه سيدر. دولت وطنداشلى سنك معناسي، غايه و محتوالرينه كوره جوق دكشير. مستبد بر مونارشينك غايه سي، معبدله آل اله ويرهك هر شيته «ايوالله» ديهن فردلر يتشديرمكدور.

فردجيلكه استناد ايدن موده رن ليبرال دولتلر ايسه فردلرك «فردجيلك» چرچيوه سي داخلنده انكشافى غايه سنى تعقيب ايدور. موده رن جمعيتده كي «فرد» ك «قانوني» مختلف حقلى واردور. اورتا زمانه عائد قيدر، تماميله قالديريلشدر. فرد، حقوقى محتوالر اعتباريله تماميله باشقا بر فرد اولشدر. فاقاط بوكا مقابل بوس بوتون باشلى باشق قالمشدر. استناد ايدن چكى شي، يالكز «كنديسى» در. جوجوق مكنتبه بويله بر فرد اولق اوزره يتشديريلير. و صوكرا بر مسلك مكنتبه دوام ايدور، ياخود اوكا بر مسلك تأمين ايدن جك بر محيطده مسلك تربيه سي كورور. مسلك حياتنكده كنديسنه كوره بر بنه سي واردور. چونكه موده رن جمعيتده مسلك محيطى ده اساسلى صورتده دكيشمكدور.

اورتا زمانده كي مسلك حياتي، بوتون تشكيلاتيله، خصوصيتلريله مختار بر انحصار حياتي شكلنده كوزه چاربار. جيراك اوسته سنك ياننده حتى اوندن صفتنك مستعمل عضوى طرزنده يتشير. يالكز ته قنيك شيلري اوكره نمكله قالمز. اصناف تشكيلاتنك عادتلىرى، تلقيلرى، حيات شكلنى ده نمسر. قالفا اولور، اوستا اولور. فاقاط بو اصناف تشكيلاتنك معاشرت حياتي مختلف صفحه لريله عمومى معاشرت حياتنه مربوطدر. اورتا زمان چيراغى، قالعاسى، مسلك تربيه سي انساننده دورينك اصناف نبي حانه كلير. فردجي جمعيت، بو مختار اصناف تشكيلاتنك يقيلماسيله باشلامشدر، اونك ايچين يكي مسلك معاشرت نك يكي مسلك تربيه سنك هدف و غايه لري، فردجي جمعيت كوره مناقشه ايدليك مجبورينددر. بوقاريدن سويله ديكمز كي، موده رن دولتك - بنه سنه كوره - بروطنداش بونك شكلنده بوبوك بر علاقه سي واردور. اونك ايچين مسلك مكشلىرى اوزرينه آليور و مسلك حياتنه مختلف مقياسلر قوبوبور.

موده رن دولت، ديني «خصوصى بر مسأله» قبول ايتشدر. فاقاط بوكا رغماً مختلف آروبا جمعيتلرندن ديني تربيه اورنادن قاتمشمشدر. ديني

تربيه، جوجوق ايچون بوس بوتون آبرى بر تربيه ساحه سيدر. دينلر آراسنده بعضى اخلاق بر نسيلىرى حيات تلقيلري آره سنده مهم بكمزه يشلر اولابيلير. بو، اساساً اوقادار اهميتلى برشى ده كيلدر.

يالكز دنلرك عمومى بنه سي، آيين شكلنى تعيين ايدن عمومى افاده لري تدقيق ايدلديكي وقت فرق، اساسلى صورتده كنديسنى كوسته رير. «الهامى»، «سحرى» دينلر اولدوغى كي راسيونالست دينلرده واردور. بوراده عمومى بر مثال اولارق عيني ديني اساسلره استناد ايدن قاتولىكله، پروتستانلى سويله بيليرز. دينك اولوبوركه: ديني تربيه نك «كيفيت» نى تعيين ايدن شي، دينك بنه سيدر. بوتون بوتربيه صفحه لرني سطحى بر صورتده خاطر لامقدن مقصدن، جوجوق تربيه سنك نه قادار متنوع استقامتلر احتوا ايتديكنى كوسته ريمكدور. يعنى ديه بيليرزكه: **تربيه متنوع استقامتلى بر فعاليتدر.**

فردك بو متنوع انكشافندن معين بر برلك معين بر «تيب» حصوله كلبيليرمي؟ بو متنوع استقامتلره استناد ايدن بر تربيه، تربيه ده برلك تأمين ايدن بيليرمي؟ بز فردك مختلف اجتماعي تشكللره منسوب اولدوغى حالده ناصل معاشرت نبي حانه كلديكنى كورمشدك. فردك مختلف معنوي استقامتلرني انكشاف ايتديرن تربيه ده «تيب» ك تشكلنه خدمت ايدور. چونكه منفرد حيات نظاملرندن دوغان تربيه «متجرده» بر حالده قالمالارق مختلف حيات نظاملريله برله شير و بر حيات برلكي وجوده كيرير. دولت و دينك برى برندن آيريلمايىن وقت ديني تربيه عمومى بر موقع اشغال ايدور. فاقاط دولت؛ ديندن آيريلقدن صوكرا بويله بر تربيه، داهازياده «اختياري بر ماهيت» ي حائزدر. دولته دينك آيريلماستدن صوكرا فردك «اختيار» ساحه سي داهازياده كنيشله مشدر. فرد؛ معين بر دورنده بو مختلف تربيه تأثيرلرني شعورلو، ياخود شعورسز بر صورتده **«انتخاب ايدور»**. فاقاط انتخاب ايتديكي شي، تماميله معاشرت حياتنه عائددر. بو اوزون بر مدت دوام ايدن انتخاب نتيجه سي اولارق فرد، تأمين ايتمه ديمكدور. فردده بو انتخابي حاضرلايان شي، شخصي احتياجلريدور. هانكي شيك داهازياده قيمتلى، هانكي شيك قيمتسز اولدوغنه بالداث فرد؛ قرار ويرير. بوقرار؛ اويله بسيط برشى ده كيلدر. تحليل ايتديكمز وقت بو قرارده بوتون جمعيتك اقتصادي و تاريخي وضعيتنى افاده ايديلش بولورز. اساساً قانون ده فردك بو مختاريتنى احتوا ايدن قاعده لر قويمشدر. (آلمان ياده) اون دورت ياشنه كيره ن بر كنچ؛ ايتديكي ديني انتخاب ايدور، ايتهرسه رسماً هر تورلومعبدله علاقه سنى كه بيلير. ايتديكي زمريه اشتراك ايدن بيلير. طبيعى - بوقاريدن سويله ديكمز كي - بوتون بوزمه لر، فرقه لر، اقتصادي جدال جبهه لري، عيني زمانده

مقياس و تلقى جبهه لريدر. موده رن به داغورنى، بو وضعيتنى افاده ايتمه چاليشارق «كنديلكندن انكشاف» پروبله منى اساس اتخاذ ايديبور. «فاقاط به داغورنى

بواساسى اوقادار اعظام ايديبور، تيب وجوده كيره ن تربيه به قارشى اويله بر منفي وضعيت آليوركه: نتيجه سنده كندى كنديسنى انكار ايتش اولوبور. «فردجيلك» تيبك حدودلرني يالكز كنيشله نمشدر، بوقه نبي قالديرماشدر. ذاتاً شائى حيات، هر وقت نسوبه مي بر تأثير يابار. فردن محيطنك قيمتلري، تلقيلري داخلنده قيمتلر ايتق امكانى ويرير. عمومى تحصيل مجبوريتنكده غايه سي بودور، فردلره متحد بر تربيه ويرمك، اوللري دولت و جمعيت قيمتلريله، مقياسلريله احاطه ايتمكدور.

بوتون بواضا حاتدن آكلشيلوركه: حياتنه شكل ويرن قدرتلر خارجنده مجرد بر تربيه تصور اولونا ماز. بز، معاشرت حياتنك «حلول و مداخله» سنى كوزمرك اوكنه كتيرديكمز وقت ديه بيليرزكه: تربيه ره فورى اصول ره فورى ده كيلدر. بويله بر ره فورى يالكز معاشرت حياتنك ره فوريله ممكندور. مختلف دورلرده تربيه نك دكيشديريله سي لزومى حس ايديلشدر. فاقاط حس ايديله ن شي، تربيه دن زياده معاشرت حياتنك نظام و محتوا اعتباريله آرتيق كافى اولاماسيدور. تربيه ره فورمنك ايلك شرطى معاشرت حياتنك نظامنه، محتواسنه عائد ره فورمدر. ملتلر، ياراچي شخصيتلريله يكي بر فكرك، يكي بر حيات تلقين كندى ايدلش اولور. بز بوتون اورتا زمانده بوبوك دينلرك انتشارى انساننده كوره بيليرز. جاهليه دورينك انسان تلقينيله ديني دورك انسان تلقيسى، تربيه غايه لري نه قادارده كشمشدر. بوبون معاشرت انقلابلري؛ بوبوك اجتماعي اختلاللردن دوغار. قريقه كوره تربيه ره فورى ايچين بوندن باشقا بر يول يوقدر. تربيه اصولنك، طرزينك ده كيشمه سيله يكي بر انسان، يكي بر دور بار ايتق ايسته يه ن به داغورنى نظريه سي اونك ايچون خطايدر. تاريخ بزه ده كيشمه مش معاشرت حياتي قارشيسنده تربيه ره فورملرينك نه قادار نتيجه سز قالديفنى كوسته ريبور. فردده انكشافه باشلايان تلقى و مقياس حياتي، غداسنى معاشرت حياتنك شكلندن آلابيلير. اونك ايچين دولت، تربيه حياتنك اك حقيقي بر ممثليدر، دولت شكلى ده تربيه نك قيمت ياراتان اساسيدور.

م. رمى

